



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-14- 33836-6/20

Datum: 03.11.2020. godine

Na osnovu člana 64. stav (1) tačka b) i člana 70. st. (1), (3) i (6) („Sl. glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. Novine Kantona Sarajevo broj 5/06 – Prečišćeni tekst) i Preporuke Komisije za ustupanje usluga u postupku javne nabavke usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo od 30.10.2020. godine, načelnik Stručne službe za zajedničke poslove je donio

ODLUKU

o izboru najpovoljnijeg ponuđača u otvorenom postupku javne nabavke usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo

Član 1.

(Predmet Odluke)

Prihvata se Preporuka Komisije za ustupanje usluga u postupku javne nabavke **usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo** i ugovor za javnu nabavku predmetnih usluga dodjeljuje se ponuđaču **“SANITACIJA” d.o.o. Sarajevo**, ponuda broj: 14/20 od 16.10.2020. godine, zaprimljene pod brojem 17-11-40401 od 19.10.2020. godine za ukupnu cijenu ponude u iznosu od 427.310,00 KM bez PDV-a, odnosno 499.952,70 KM sa PDV-om.

Član 2.

(Prijedlog ugovora)

- (1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).
- (2) Izabrani ponuđač je dužan dostaviti dokumente zahtijevane tenderskom dokumentacijom iz člana 45. i 47. Zakona u roku od pet dana od dana prijema ove odluke.
- (3) U slučaju da izabrani ponuđač propusti dostaviti tražene dokumente u određenom roku, Stručna služba za zajedničke poslove Kantona Sarajevo će poništiti predmetni postupak.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 17-11-33836 od 03.09.2020. godine.

Javna nabavka je provedena putem otvorenog postupka javne nabavke sa međunarodnom objavom.

Ukupna procijenjena vrijednost nabavke iznosi 427.350,43 KM bez PDV-a.

Obavještenje o nabavci je objavljeno na portalu E-nabavke dana 03.09.2020. godine, broj postupka: 1230-1-2-62/20. Tenderska dokumentacija objavljena je na portalu javnih nabavki.

Sažetak Obavještenja objavljen u "Službenom glasniku BiH" broj 56/20 od 11.09.2020. godine

Komisija za javnu nabavku imenovana je Rješenjem o imenovanju broj: 17-14-38834 od 29.10.2019. godine.

Krajnji rok za prijem ponuda bio je: 19.10.2020. godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-11-38834-5/20 od 30.10.2020. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 2
- Broj blagovremeno zaprimljenih ponuda: 2
- Broj neblagovremeno zaprimljenih ponuda: 0
- Broj prihvatljivih ponuda: 1
- Broj neprihvatljivih ponuda: 1

Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda:

Br. protokola ugovornog organa	Rd.br. omotnice ponude	Naziv ponuđača	Ukupna cijena ponude bez/sa PDV	Ponuđeni popust
17-11-40401	1.	SANITACIJA	427.310,00 / 499.952,70	/
17-11-40402	2.	KONZORCIJ: SANACIJA 3D d.o.o., IDS ZDRAVA SREDINA d.o.o., SANITARAC d.o.o., BEHAR d.o.o.	427.170,00 / 499.788,90	/

Uvidom u dostavljenu ponudu, odnosno priloženu dokumentaciju i suštinskom provjerom sadržaja i validnosti dokumentacije, Komisija je utvrdila je ponuđač **SANITACIJA d.o.o.** dostavio kompletnu i formalno pravno prihvatljivu ponudu.

Uvidom u dostavljenu ponudu, odnosno priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponuda **Konzorcija ponuđača Sanacija 3D d.o.o., IDS Zdrava sredina d.o.o., Sanitarac d.o.o. Vlasenica i Behar d.o.o.** (u daljem tekstu: *Konzorcij*) **nije prihvatljiva** iz sljedećih razloga:

Uvidom u ponudu Konzorcija Komisija je konstatovala sljedeće:

1.

Programom izvođenja obavezne preventivne sistematske deratizacije na području Kantona Sarajevo propisano je da Operativni program izvođenja preventivne sistematske deratizacije treba da, između ostalog sadrži, vrste sredstava i preparata, njihove količine i način primjene“ (tačka 8. Programa), koji je Konzorcij dostavio u svojoj ponudi (str. 45.-54. ponude). U Operativnom planu su na strani 51.-53. ponude navedeni generički nazivi preparata koje Konzorcij namjerava koristiti pri vršenju usluga deratizacije, i to: Bromadiolon rastresiti mamak, Bromadiolon pasta, Bromadiolon parafinski blok i Ljepljiva komponenta. Na strani 55. ponude dostavljen je predračun privrednog društva Behar d.o.o. (člana Konzorcija) u kojem su također navedeni generički nazivi preparata koje Konzorcij namjerava koristiti, dok su na strani 56., 57., 58. i 59. dostavljeni „Certifikati o provedenoj analizi proizvođača“. Na stranama 61. – 112. dostavljeni su „sigurnosno tehnički listovi“ sredstava, a na str. 127. -130. su dostavljene „Deklaracije proizvođača“. Na strani 60. Ponude dostavljena je tenderskom dokumentacijom zahtijevana Izjava o izboru rodenticida i zemlji proizvođača preparata i puni naziv firme proizvođača (Poglavlje III Uslovi za kvalifikaciju, tačka 4. Tehnička i profesionalna sposobnost – član 48.-51. Zakona, podtačka c) Tenderske dokumentacije). U dostavljenoj izjavi Konzorcij je naveo da su proizvođači preparata rastresiti mamak „Detia Freyberg GmbH Njemačka“ i „Eko zaštita Bosna i Hercegovina“, proizvođač parafinskog bloka „Detia Freyberg GmbH Njemačka“, proizvođač



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



parafinskog mamaka „Detia Freyberg GmbH Njemačka“ i proizvođač adhezivnog mamka (brodilon ljepilo) „Kollant S.r.J. Italija“.

Dostavljeni „Certifikati“ (str. 56.-59. ponude), „Sigurnosno tehnički listovi“ (str. 61.-112.. Ponude) i „Deklaracije proizvoda“ (str. 127.-130. Ponude) se odnose na pojedinačno:

Certifikati:

- Bromadiolon rastresiti mamak – Proizvođač „Detia Degesch GmbH Njemačka“ (str. 56. Ponude)
- Bromadiolon parafinski blok - Proizvođač „Detia Degesch GmbH Njemačka“ (str. 57. Ponude)
- Bromadiolon pasta - Proizvođač „Detia Degesch GmbH Njemačka“ (str. 58. Ponude)
- Brodilon deratizacijsko ljepilo – Proizvođač „Kollant S.r.J Italija“ (str. 59. Ponude).

Sigurnosno tehnički listovi:

- Bromadiolon mamak – Proizvođač „Detia Freyberg GmbH Njemačka“ (str. 61.-73 Ponude)
- Bromadiolon parafinski blok - Proizvođač „Detia Freyberg GmbH Njemačka“ (str. 74.-86. Ponude)
- Bromadiolon pasta - Proizvođač „Detia Freyberg GmbH Njemačka“ (str. 87.-99. Ponude)
- Brodilon deratizacijsko ljepilo – bez navedenih podataka o proizvođaču, tj. sigurnosno-tehnički list sadrži samo naziv dobavljača koji isporučuje sigurnosno-tehnički list i to „Genera d.d. Hrvatska“ (str. 100.-112.)

Deklaracije proizvoda:

- Bromadiolon rastresiti mamak - Proizvođač „Detia Degesch GmbH Njemačka“ (str. 127. Ponude)
- Bromadiolon parafinski blok - Proizvođač „Detia Degesch GmbH Njemačka“ (str. 128. Ponude)
- Bromadiolon pasta - Proizvođač „Detia Degesch GmbH Njemačka“ (str. 129. Ponude)
- Brodilon deratizacijsko ljepilo – Proizvođač „Kollant S.r.J Italija“

Na osnovu utvrđenog činjeničnog stanja iz Ponude Konzorcija, ugovorni organ konstatuje sljedeće:

- Konzorcij je u Ponudi naveo namjeru korištenja rastresitog mamka proizvođača „Detia Freyberg GmbH Njemačka“ i proizvođača „Eko zaštita Bosna i Hercegovina“. Za proizvod rastresiri mamak proizvođača „Eko zaštita“ Konzorcij nije dostavio Certifikat, Sigurnosni list niti deklaraciju proizvoda.
- Iz Ponude Konzorcija nije moguće utvrditi upotrebom kojeg proizvoda je namjeravao vršiti predmetne usluge, tačnije da li je namjeravao upotrebljavati Bromadiolon rastresiti mamak –



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Proizvođača „Detia Degesch GmbH Njemačka“ i/ili Bromadiolon rasuti mamak – Proizvođača „Eko zaštita“ ili upotrebljavati oba proizvoda.

- Konzorcij je propustio dostaviti „sigurnosno tehnički list“ za proizvod Brodiloln deratizacijsko ljepilo“, odnosno dostavljeni „Sigurnosno tehnički list“ na str. 100.-112. se ne može povezati sa proizvođačem „Kollant S.r.l Italija“, već samo sa proizvođačem/dobavljačem „Genera d.d. Hrvatska“, a koji nije naveden kao proizvođač u „Izjavi o izboru rodenticida i zemlji proizvođača preparata“ (str. 60. Ponude).

Na osnovu izloženog, ponuda Konzorcija nije prihvatljiva te se ista odbacuje u skladu sa članom 68. stav (4) tačka i) Zakona, jer Konzorcij nije dostavio certifikate, sigurnosno tehničke listove ni deklaracije za sve proizvode za koje je dao Izjavu da namjerava koristiti pri vršenju usluga deratizacije.

2.

Poglavljem III Uslovi za kvalifikaciju, tačka 3. Ekonomska i finansijska sposobnost definisano je da su ponuđači dužni dostaviti „poslovni bilans stanja i bilans uspjeha za 2019. godinu, u smislu člana 47. stav (1) tačka c) Zakona, kojim treba dokazati pozitivno poslovanje u navedenim godina poslovanja. Dokaz se dostavlja kao obična kopija zajedno sa izjavom koju ovjerava ponuđač, čija forma je propisana od strane Agencije za javne nabavke, a čiji obrazac je sastavni dio ove tenderske dokumentacije u obliku Priloga br. 4.

Konzorcij je u Ponudi dostavio zahtijevane bilanse stanja i uspjeha, te Izjavu iz člana 47. Zakona (str. 181-189. Ponude) samo za predstavnika grupe ponuđača, tj. privredno društvo „Sanacija 3D“ d.o.o., dok je za ostale članove Konzorcija propustio dostaviti tražene dokaze,), što nije u skladu sa zahtjevima iz Tenderske dokumentacije, te se ponuda Konzorcija odbacuje kao nepotpuna u skladu sa članom 68. stav (4) tačka i) Zakona.

3.

Poglavljem III Uslovi za kvalifikaciju tačka 4. Tehnička i profesionalna sposobnost – član 48.-51. Zakona, podtačka c) Tenderske dokumentacije definisano je sljedeće:

„Ponuđač je dužan dostaviti dokaze o ispunjavanju uslova predviđenih tačkom 8. i tačkom 10. Programa obavezne preventivne sistematske deratizacije na području Kantona Sarajevo. Dokazi se dostavljaju kao originali ili ovjerene kopije“, i to: „Rješenje Federalnog ministarstva zdravstva, a koje uključuje upotrebu otrova II i III grupe iz Pravilnika o uslovima u pogledu stručne spreme zaposlenika, tehničke opremljenosti, prostorija i drugih uslova kojima moraju udovoljavati zdravstvene ustanove u pogledu stručne spreme zaposlenika, tehničke opremljenosti, prostorija i drugih uslova kojima moraju udovoljavati zdravstvene ustanove, privredna društva odnosno fizičke osobe-obrtnici za obavljanje dezinfekcije, dezinfekcije i deratizacije ("Službene novine edercije BiH", broj 30/16) ili odgovarajući dokument izdat od strane nadležnog organa za ponuđače čije sjedište nije u Federaciji BiH – ovjerena kopija“.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Ponuđač je u svrhu dokazivanja ispunjenosti uslova postavljenog Programom obavezne preventivne sistematske deratizacije na području Kantona Sarajevo, kao i samom tenderskom dokumentacijom dostavio Rješenje Federalnog ministarstva zdravstva broj: 03-37-5487-3/17 od 25.09.2017. godine izdato na zahtjev privrednog društva, ujedno predstavnika Konzorcija, „Sanacija 3D“ d.o.o.; Rješenje Federalnog ministarstva zdravstva broj: 03-37-2117/18 od 14.05.2018. godine izdato na zahtjev privrednog društva, ujedno člana Konzorcija, „IDS – Zdrava sredina“ d.o.o. i Rješenje Ministarstva zdravlja i socijalne zaštite Republike Srpske broj: 11/08-500-138/19 od 10.05.2019. godine izdato na zahtjev privrednog društva, ujedno člana Konzorcija, Sanitarac d.o.o. Vlasenica (str. 34.-41. Ponude). U ponudi Konzorcija nije dostavljeno rješenje nadležnog organa o obavljanju poslova deratizacije za člana Konzorcija Behar d.o.o.

Daljim uvidom u ponudu Konzorcija, utvrđeno je da su dokazi o registraciji, odnosno obavljanju profesionalne djelatnosti dostavljeni za sve članove Konzorcija. Registracija obavljanja privredne djelatnosti koja je predmet nabavke nije sporna za članove Konzorcija, osim za privredno društvo Behar d.o.o., obzirom da su priloženim dokazima tri člana Konzorcija dokazala da su registrovani za obavljanje privredne djelatnosti koja je predmet ove konkretne nabavke.

Za spornog člana Konzorcija Behar d.o.o. dostavljen je „Aktuelni izvod iz sudskog registra“ broj 065-0-RegZ-20-007772 od 12.10.2020. godine (str. 29. -33. Ponude). Iz dostavljenog samog Aktuelnog izvoda iz Sudskog registra se ne može utvrditi da je član Konzorcija registrovan za obavljanje djelatnosti koja je predmet ove nabavke (usluge deratizacije), a za čije je obavljanje potrebno pribaviti posebno rješenje o obavljanju poslova deratizacije (Rješenje Federalnog ministarstva zdravstva ili drugog nadležnog organa kao što je Ministarstvo zdravlja i socijalne zaštite Republike Srpske).

Prema definiciji pojma „privredni subjekt“ iz člana 2. stav (1) tačka c) Zakona, članu Konzorcija nedostaje registracija za privrednu djelatnost koja je predmet nabavke, s obzirom da je istim propisano da je: „privredni subjekat je pravno ili fizičko lice, ili grupa takvih lica, koji na tržištu nude robe, usluge i/ili radove, a **registrirani su za obavljanje predmetne djelatnosti**“.

Iz dostavljene Ponude je jasno da član Konzorcija jeste privredno društvo registrovano za obavljanje više privrednih djelatnosti, međutim član Konzorcija mora biti registrovan za obavljanje predmetne djelatnosti koja je predmet nabavke da bi se smatrao ponuđačem u smislu člana 2. stav (1) tačka c) Zakona, a što je Konzorcij u Ponudi propustio dokazati, te se njegova ponuda odbacuje kao nepotpuna u skladu sa članom 68. stav (4) tačka i) Zakona.

Na osnovu navedenog, a u skladu sa kriterijem “najniža cijena” Komisija je predložila dodjelu ugovora za ustupanje predmetnih usluga ponuđaču Sanitacija d.o.o.

Iz navedenih razloga, primjenom člana 64. stav (1) tačka b) Zakona, odlučeno je kao u dispozitivu.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



POUKA O PRAVNOM LIJEKU:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od deset (10) dana od dana prijema ove Odluke, na način propisan članom 99. Zakona i 105. Zakona.



Načelnik -

Eikret Jašarević

Prilog:

Zapisnik o pregledu i ocjeni ponuda

Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

